

# 16 pasukan ke separuh akhir

» Lapan masing-masing bertanding bagi kategori bahasa Melayu, Inggeris

Oleh Faizatul Farhana Farush Khan  
ffarhana@bh.com.my

■ Serdang

**P**ertandingan Debat Perdana Gender 2014 menyaksikan 16 pasukan terbaik meneruskan saingan pada peringkat separuh akhir di Universiti Putra Malaysia (UPM), pagi ini.

Pasukan itu, masing-masing lapan untuk Kategori Bahasa Melayu dan Kategori Bahasa Ing-

geris, akan berentap untuk ke pertandingan akhir yang akan berlangsung petang dan malam ini di Dewan Besar, Pusat Kebudayaan dan Kesenian Sultan Salahuddin Abdul Aziz Shah, UPM.

Lapan pasukan Kategori Bahasa Melayu itu adalah Universiti Teknologi MARA (dua pasukan), Universiti Islam Antarabangsa Malaysia (UIAM) (dua pasukan), Universiti Malaysia Sabah (UMS), Universiti Kebangsaan Malaysia (UKM), Universiti Malaya (UM) dan Universiti Sultan Zainal Abi-



Sekitar **Pertandingan Debat Perdana Gender 2014 peringkat suku akhir** di Kompleks Akademik E, Universiti Putra Malaysia.

[FOTO NUR ADIBAH AHMAD IZAM/BH]

din (UniSZA).

## Kategori Bahasa Inggeris

Kategori Bahasa Inggeris adalah Universiti Teknologi MARA (dua pasukan), Universiti Islam Antarabangsa Malaysia (UIAM) (dua pasukan), Universiti Malaya (dua pasukan), Universiti Teknologi Petronas (UTP) dan UPM.

Terdahulu, pertandingan anjuran Institut Pengupayaan Wanita bagi Pergerakan Negara Berkecuali (NIEW) yang diadakan selama empat hari bermula Jumaat lalu,

memperlihatkan 102 pasukan daripada kedua-dua kategori berentap pada peringkat pusingan, sebelum setiap kategori disenarai pendek menjadi 32 ke suku akhir, 16 ke separuh akhir dan empat akhir.

Dianjurkan secara tahunan sejak tahun 2011 dengan kerjasama Majlis Debat Universiti Malaysia (MADUM), ia bertujuan meningkatkan kesedaran, medan bertukar idea serta memperkasa topik berhubung isu gender dalam kalangan masyarakat, terutama belia.

Peserta peringkat suku akhir, Priyasree Suryanarayanan, 21, berkata pertandingan itu cukup mencabar pengetahuan kerana menyentuh usul topik berkaitan isu gender tempatan dan antarabangsa.

“Dengan masa hanya 15 minit untuk berbincang bersama rakan sepasukan dan diadakan dalam konsep perdebatan Parlimen British, ia memang sukar,” katanya yang berpasangan dengan pelajar asing dari Namibia, Fabbian Ham-bira, 25.